

Мазкур байрам доирасида югуриш ҳаваскорлари, спортчилар, талабалар, ҳарбийлар ўртасида оммавий югуриш тадбири ўтказилиши режалаштирилган. Мазкур тадбирда барча югуриш ихлосмандлари бевосита фаол иштирок этишлари учун тегишли шарт ва шароитлар яратилиши зарур.

Ушбу югуриш тадбири нафақат ёшлар балки ахолининг барча қатламлари учун ўтказилиши фуқароларимизнинг ўз соғлиқларига бўлган эътиборларини кучайишига, шунингдек соғлом турмуш тарзини кенг тарғиб қилиш ва маҳаллалар бўғинидан бошлаган холда ахолини бирдамлигини ошириш каби мақсадларни ўз ичига қамраб олади.

Мазкур Низом енгил атлетика спорт тури бўйича оммавий югуриш тадбирлари мақсади ва асосий вазифалари, спорт мусобақалари жараёнини ташкил этиш ва бошқариш, уларни ўтказишга раҳбарлик қилиш, уни молиялаштириш, шунингдек мусобақа ғолиб ва совриндорларини тақдирлаш тартибини белгилайди.

1-боб. Умумий қоидалар.

1. Мусобақа жаҳон атлетикаси томонидан ўрнатилган қоидаларга кўра ўтказилади ва ҳакамлар томонидан баҳоланади. Мусобақани ўтказиш учун ҳакамлар таркиби **Ўзбекистон енгил атлетика федерацияси** томонидан тасдиқланади.

2. Мусобақада Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорлариiga, Ўзбекистон Республикаси Президентининг фармонлари, қарорлари ва фармойишлариiga, Ўзбекистон Республикаси Вазирлар Маҳкамасининг қарорлари ва фармойишлариiga, мазкур Низомга ҳамда бошқа қонун ҳужжатларига амал қилинади.

2-боб. Мусобақанинг мақсад ва вазифалари.

3. Юртимида ахоли, айниқса, ёшлар, ҳарбийлар ўртасида соғлом турмуш тарзини тарғиб қилиш учун зарур шарт-шароитлар ва инфратузилмани яратиш.

4. Мусобақанинг мақсади ахолининг барча қатламларини жисмоний тарбия ва спорт билан мунтазам шуғулланишга жалб қилиш натижасида соғлом турмуш тарзини шакллантириш, енгил атлетика спорт турини ахоли ўртасида оммалаштириш ва уни янада ривожлантириш, республикада енгил атлетика спорт тури бўйича спортчиларнинг маҳорати даражасини оширишdir.

5. Мусобақанинг асосий вазифаси ёшларни соғлом турмуш тарзига йўналтириш, маҳаллалардаги ёшлар ва нуронийларни оммавий тадбирларга жалб қилиш, ҳакамларнинг малакасини ошириш, ўтказиладиган мусобақалар давомида иштирокчиларни руҳлантириш ва байрам шукухини ёйишдан иборат.

3-боб. Мусобақани ўтказишга раҳбарлик.

6. Мусобақани ўтказишга умумий раҳбарликни **Ёшлар сиёсати, спорт вазирлиги, Қорақалпоғистон Республикаси Вазирлар кенгаши, вилоятлар ҳокимликлари, Тошкент шаҳар ҳокимлиги, Мудофаа вазирлиги, Ички ишлар вазирлиги, Миллий гвардия, Фавқулодда вазиятлар вазирлиги, Олий таълим, фан ва инновациялар вазирлиги, Мактабгача ва мактаб таълими вазирлиги,**

**Ўзбекнефтегаз АЖ, Миллий олимпиия қўмитаси ҳамда бевосита раҳбарлик қилиш
Ўзбекистон енгил атлетика федерацияси томонидан амалга оширилади.**

7. Мусобақани ўтказишда ҳакамлар ҳайъати рўйхати бевосита федерация томонидан шакллантирилади. Ҳакамлар ҳайъати рўйхати Ўзбекистон енгил атлетика федерацияси буйруғи билан тасдиқланади.

8. Мусобақани адолатли ва шаффоф ҳолда ўтказилиши ҳакамлар ҳайъати зиммасига юклатилади.

4-боб. Мусобақани ўтказиш жойи ва муддати.

9. Мусобақа 2024 йилнинг 29 июн куни Республикаизнинг 16 та (Андижон, Наманган, Фарғона, Нурафшон, Гулистон, Жиззах, Самарқанд, Термиз, Навоий, Бухоро, Коровулбозор, Қарши, Шахрисабз, Урганч, Нукус, Тошкент) шаҳарларида ўтказилади.

10. Мусобақаларга барча шаҳарларда бир вақтнинг ўзида соат 07:00 да старт берилади.

11. Мусобақа амалдаги Жаҳон енгил атлетикаси қоидалари асосида ўтказилади.

5-боб. Мусобақада иштирок этиш шартлари.

12. Мусобақада ёшлар, ҳарбийлар, маҳаллалардаги нуронийлар, уюшмаган ёшлар, ишчи ходимлар ва уларнинг оила аъзолари ҳамда барча ҳоҳловчилар иштирок этишлари мумкин. Мусобақада 9 ёшдан катта бўлган фуқаролар иштирок этишларига рухсат этилади.

13. Мусобақада Қозигистон, Қирғизистон, Туркманистон ва Тожикистон давлатларидан иштирокчилар иштирок этишлари мумкин.

6-боб. Мусобақани ўтказиш шартлари.

14. Мусобақани ўтказиш шартлари спорт турининг хусусияти, ҳалқаро норма ва талаблардан келиб чиқиб белгиланади. Тошкент шаҳрида мусобақа ғолиб ва совриндорлари **MyLaps** электрон вақтни аниқлаш тизими орқали аниқланади. Мазкур мусобақаларнинг ғолиб ва совриндорларини аниқлашда **GunTime** вақтидан фойдаланилади.

15. Мусобақа ташкилотчилари томонидан мазкур тартибига ўзгартириш ва қўшимчалар киритилиши мумкин. **Мусобақаларда** барча ҳоҳловчилар иштирок этиши мумкун, мусобақа масофаси **Зкм** этиб белгиланади, унда ҳарбий олий таълим битирудчилари, куч тузилмалари ходимлари иштирок этади. Ҳар бир куч тузилмалари ва олий ҳарбий билим юртларидан 100 нафаргача қатнашчи иштирок этиши мумкин.

16. Тошкент шаҳарида **1500** нафар, Нукус, Бухоро, Самарқанд, Фарғона, Наманган, Андижон, Нурафшон, Гулистон, Жиззах, Термиз, Навоий, Коровулбозор, Қарши, Шахрисабз, Урганч шаҳарларида **2000** нафар иштирокчи қатнашиши мумкин.

17. Мусобақада иштирок этиш учун қатнашчилар сони Тошкент шаҳрида 1500 нафарни, қолган шаҳарларда иштирокчилар сони 2000 нафаргачани ташкил қиласди. Иштирокчилар сони маҳаллий ҳокимликлар ихтиёрига кўра кўпроқ бўлиши мумкин.

18. Мусобақа низомининг тегишли бандлариға ўзгартириш ва қўшимчалар киритилган тақдирда, мусобақанинг бошланишидан 3 кун аввал мусобақа иштирокчилариға тақдим этилади.

7-боб. Мусобақада иштирок этиш учун талабнома (буортма)ларни топшириш ва рўйхатдан ўтиш шартлари.

19. Мусобақада Тошкент шаҳрида иштирок этиш учун, иштирокчилар **yugur.uz** сайти орқали рўйхатдан ўтишлари лозим. Зкм масофада квоталар вазирлик ва идораларнинг талабномалари ва рўйхатлари асосида бепул тарқатилади. Кўшни давлатлар (Қозигистон, Қирғистон ва Тожикистон) вакиллариға ҳам талабнома асосида бепул тарқатилади.

Рўйхатдан ўтиш жорий йилнинг **21-июнь** санасидан **25-июнь** санасига қадар **yugur.uz** сайти орқали рўйхатдан ўтилади.

Иштирокчи пакети куйидагилардан иборат бўлади:

- Футболка
- Кепка
- Кўкрак рақами ва тўғноғич

Иштирокчи пакетини олиш **27-июнь** куни Ўзбекистон енгил атлетика федерацияси базасида амалга оширилади.

20. Мусобақада иштирок этиш учун спортчилардан жаҳон енгил атлетикаси қоидалари асосида енгил атлетика спорт турининг хусусиятларидан келиб чиқиб тиббиёт муассасасининг врачи томонидан спортчининг мусобақада иштирок этишига рухсат берилиши (имзо ва мухри билан тасдиқланган ҳолда) талаб этилади.

21. Мусобақада иштирок этиш учун талабнома спорт турининг хусусиятидан келиб чиқиб, мусобақа бошланишидан 1 кун аввал вилоят ёшлар сиёсати ва спорт бош бошқармаларига топширилади.

8-боб. Мусобақани молиялаштириш манбалари.

22. Мусобақа ўтказилишининг молиялаштириш шартлари:

- тадбирни ташкил этиш ва ўтказиш билан боғлиқ харажатлар (ҳакамларнинг харажатлари, ҳар бир иштирокчига иштирокчи пакети (футболка, кепка, халтча ва бошқалар), ғолиб ва совриндорларни тақдирлаш учун қимматбаҳо совғалар ва бошқалар) ташкилий қўмита ва ҳомий ташкилотлар томонидан қопланади.

- ташкилотчилар, ҳакамлар, кўнгиллилар, VIP меҳмонлар учун маҳсус формалар ташкилий қўмита ва ҳомийлар томонидан ажратилган маблағлар ҳисобидан қопланади.

9-боб. Эътиrozлар.

23. Эътиrozлар амалдаги мусобақа қоидалари асосида ҳакамлар хайъати томонидан қабул қилинади.

24. Ҳакамлар хайъати мусобақа давомида ва тадбир тугагунга қадар ишлайди.

10-боб. Мусобақа ғолиб ва совриндорларини тақдирлаш.

25. Тошкент шаҳрида ташкил этилган мусобақанинг ғолиб ва совриндорлари ташкилий қўмита ва ҳомийлар томонидан ажратилган маблағлар ҳисобидан совғалар ва кубоклар, яккалик баҳслари ғолиб ва совриндорлари (1 - ўрин 3 000 000 сўм, 2 - ўрин 2 000 000 сўм, 3 – ўрин 1 000 000 сўм) пул мукофотлари ва кубоклар билан тақдирланадилар.

26. Тошкент шаҳрида Зкм масофада аёллар ва эркаклар ўртасида мутлақ биринчилик 1, 2, 3-ўринлар, ҳаваскор аёллар ва эркаклар ўртасида 1, 2, 3-ўринлар, 1989 йил ва ундан аввал туғилган аёллар ва эркаклар ўртасида 1, 2, 3-ўринлар, 1969 йил ва ундан аввал туғилган аёллар ва эркаклар ўртасида 1, 2, 3-ўринлар, Олий ҳарбий ўкув юртлари тарбияланувчилари аёллар ва эркаклар ўртасида 1, 2, 3 - ўринлар, ҳарбий ҳизматдаги аёллар ва эркаклар ўртасида 1, 2, 3 - ўринларни эгаллаган иштирокчилар мос равишда тақдирланадилар.

27. Мазкур низомнинг 12-бандида кўрсатилган шартларга жавоб бермайдиган спортчилар совриндор сифатида тақдирланмайдилар.

11-боб. Якуний қоидалар.

28. Мусобақалар давомида ҳомийлар томонидан тақдим этилган совринлар номинациялар ҳамда салмоқли ҳисса қўшган ташкилий қўмита аъзоларига тақдим этилиши мумкин.

29. Тадбирда иштирок этувчилар сони оз бўлган тақдирда иштирокчилар учун берилиши белгиланган иштирокчи пакети (кешка, футболка ва бошқалар) келаси тадбирлар учун сақланиб қўйилиши, бошқа тадбирларда белгиланган иштирокчилар сони ортган тақдирда захирарадагилари (олдинги тадбирдан ортган) бериб борилади.